

# EPOKA

# ERE

E përditshme e pavarur  
Viti XX, nr. 6032  
E martë, 9 qershor 2020  
çmimi 0.40 €

## Stoltenbergu bën thirrje për unitet të NATO-s

IFAQE 2



Na ndiqni edhe në:

[www.epokaere.com](http://www.epokaere.com)



facebook.com  
Gazeta "Epoka e re"

**AWR** **ABBRUCH** GMBH  
[www.awr-abbruch.de](http://www.awr-abbruch.de)

PRESIDENTI I KOSOVËS, HASHIM THAÇI, TË HËNËN KA MBAJTUR KONFERENCË PËR MEDIA I FQAQ 4-5

# THAÇI: KOSOVA ËSHTË GATI PËR DIALOGUN ME SERBINË



Presidenti i Kosovës, Hashim Thaçi, ka deklaruar të hënën se Kosova nuk ka çka të hezitohet në procesin e dialogut me Serbinë. Ai ka thënë se institucionet e Kosovës janë të gatshme që të lëvizin sa më

shpejt në këtë drejtim në mënyrë që vendi të anëtarësohet në BE e në NATO. Në një konferencë për media, shefi i shtetit ka vlerësuar se spektri politik duhet të jetë i bashkuar në këtë proces, duke

shprehur optimizëm se marrëveshja historike mund të arrihet gjatë këtij viti. Gatishmërinë për vazhdimin e dialogut Kosovë - Serbi e kanë shprehur edhe liderët e tjerë institucionalë të vendit

## OPINION

LAVDIA U TAKON ATYRE QË FLIJOHEN PËR VIZIONE TË MËDHA F. 7

Bedri ISLAMI



## AKTUALE

KUVENDI KËTË TË ENJTE DO TË SHOYRTOJË NJË VARG PROJEKTLIGJESH F. 8

KURTI VIZITOI DISA PREJ PIKAVE KU PO NËNSHKRUHET PETICIONI PËR ZGJEDHJE TË REJA F. 5

FILLON MËSIMI PLOTËSUES PËR TESTIN E ARRITSHMËRISË PËR NXËNËSIT E KLASAVE TË NËNTA F. 6

## EKONOMI

BIEN ÇMIMET E PRODHIMIT NË KOSOVË F. 9

KEK-u SHTON MASAT MBROJTËSE KUNDËR PËRHAPJES SË PANDEMISË F. 8

## SPORT



FHK-ja, THIRRJE HENDBOLLISTËVE NË DIASPORË: KOSOVA PO JU PRET F. 18

MOSRESPEKTIMI I MASAVE MBROJTËSE RRIT NUMRIN E TË INFEKTUARVE ME COVID-19 NË KOSOVË

## MUND TË RIKTHEHEN MASAT RIGOROZE KUNDËR COVID-19 I FQAQ 3



Mikrobiologu Lul Raka ka thënë se nëse rritja e numrit të rasteve të reja me Covid-19 shkon paralelisht me numrin e madh të rasteve që kërkojnë kujdes intensiv dhe shtrirje në klinikë, atëherë mbyllja e sërishme e vendit është opsion real.

Edhe drejtori i Institutit të Shëndetësisë Publike, Naser Ramadani, ka thënë se nëse Instituti sheh se qytetarët nuk po i përfillin rekomandimet, do të ndërmarrin masa rigoroze deri në kufizimin e lëvizjes apo qarkullimit

**RENOVA**  
PUTZ  
Magedoni  
Xhepçisht-Tetovë  
Gurëz-Ferizaj  
Tel: +389 44 487 300; +389 44 487 009  
+389 44 487 755  
Fax: +389 44 487 200  
Mob: +377 44 501 289  
E-mail: [renova@mt.net.mk](mailto:renova@mt.net.mk)

**PRINCESHA**  
GROUP SH.P.K.  
NDËRTIM  
PROJEKTIM  
SHITJE  
INFO: 049-111-101,  
044-511-177  
[www.princesha-ks.com](http://www.princesha-ks.com)

**Bunjamini**  
FABRIKA E LLAQEVE  
MITROVICË  
044/256-051  
044/367-061  
028/532-617  
STYROKOL · BUNJAKOL · EUROFASADË

**Kolegji BIZNESI**  
[www.kolegji.biznesi.com](http://www.kolegji.biznesi.com)  
info@kolegji.biznesi.com  
038 500 878 | 045 500 878  
044 500 878 | 049 500 878

**SIGMA**  
VIENNA INSURANCE GROUP  
SIGMA INTERALBANIAN VIENNA INSURANCE GROUP SH.A  
DEGA KOSOVË  
Pruga "Pashko Vasa", p.n Prishtinë, Kosovë,  
Tel: +381 (0)38 246 301 Fax: +381 (0)38 246 302,  
E-mail: [info@sigma-ks.net](mailto:info@sigma-ks.net) | [www.sigma-ks.net](http://www.sigma-ks.net)

**DINO**  
Konjuh Lipjan, Magj. Prishtinë Ferizaj-Kosovë  
tel & fax +381 38 566 666

# Stoltenbergu bën thirrje për unitet të NATO-s

PRISHTINË, 8 QERSHOR - Sekretari i Përgjithshëm i NATO-s, Jens Stoltenberg, ka thënë se aleanca 30-anëtarëshe duhet të "qëndrojë ushtarakisht e fortë, të jetë më e bashkuar politikisht dhe të ketë qasje më të gjerë në nivel global", në mënyrë që të vazhdojë t'i "mbrojë demokracitë tona" në një "botë me më shumë gara".

Në një fjalim, duke prezantuar vizionin e NATO-s deri më 2030, Stoltenberg u ka bërë thirrje aleatëve që të vazhdojnë të investojnë në forcat e tyre të armatosura, ta përdorin aleancën si forum për diskutim dhe ku është e nevojshme të intervenohet në çështjet që prekin sigurinë e përbashkët si dhe të punojnë më afër me partnerë si Australia, Japonia, Zelanda e Re, Koreja Jugore në mënyrë që të mbrohen "rregullat globale dhe institucionet që na kanë mbajtur të sigurt për dekada".

"Qëndroni për një botë të ndërtuar në liri dhe demokraci. Jo në ngacim dhe shtrëngim", ka thënë ai gjatë një ngjarjeje të mbajtur online me Këshillin

Atlantik dhe Fondin Marshall të Shteteve të Bashkuara.

Stoltenbergu ka thënë se Rusia "vazhdon të mos zvogëlojë aktivitetet ushtarake", grupi militant, Shteti Islamik dhe grupet e tjera janë duke u motivuar, derisa aktorë shtetërorë dhe joshetërorë promovojnë "dezinformata dhe propagandë".

Ai ka thënë se rritja e Kinës "përbën zhvendosje të ekuilibrit global të pushtetit, duke ngritur garën për mbizotërim ekonomik e teknologjik".

Fjalimi i Stoltenbergut ka ardhur teksa aleatët e Shteteve të Bashkuara në Evropë kanë shprehur zhgënjim pas raportimeve se ekziston plan për tërheqjen e trupave amerikane nga Gjermania.

I pyetur rreth këtyre planeve, ai ka refuzuar të komentojë drejtpërdrejt "për spekulimet e mediave", mirëpo ka mbrojtur përkushtimin e Shteteve të Bashkuara në Evropë, duke thënë: "Në vitet e fundit ne kemi parë sërish një rritje të prezencës amerikane në Evropë. Dhe kjo



nuk ka të bëjë vetëm me Gjermaninë. Ne kemi parë, shembull, një brigadë të re amerikane të angazhuar në Evropë, ne kemi parë prezencë rotative, ne kemi parë ShBA-në,

në role udhëheqëse në grupin e betejës së NATO-s në Poloni", ka thënë Stoltenbergu. Largimi potencial i trupave amerikane nga Gjermania është raportuar fillimisht nga The Wall

Street Journal dhe Der Spiegel një javë më parë.

Qeveria gjermane ka thënë se ende nuk ka pranuar ndonjë konfirmim nga Uashingtoni lidhur me këto pretendime.



## Cakaj: Mbretëria e Bashkuar vlerëson lart ujdinë ndërpartiake për reformën zgjedhore

TIRANË, 8 QERSHOR (ER) - Ministri për Evropën dhe Punë të Jashtme të Shqipërisë, Gent Cakaj, ka zhvilluar të hënën një bisedë me ministren për Fqinjësinë Evropiane dhe të Mbretërisë së Bashkuar, Wendy Morton. "Biseduam për bashkëpunimin tonë të shkëlqyer në kuadër të OSBE-së. Po ashtu, ministren e informova për synimin e Shqipërisë për të shërbyer si anëtar jo i përhershëm i

Këshillit të Sigurimit të OKB-së më 2022-2023", ka bërë me dije Cakaj.

Ai ka theksuar se Mbretëria e Bashkuar vlerëson lart ujdinë ndërpartiake për reformën zgjedhore dhe mbështet fuqishëm rrugën evropiane të Shqipërisë. "Në fund u pajtuam t'i vazhdojmë bisedimet për lidhjen e disa marrëveshjeve për ta thelluar marrëdhënien dypalëshe mes dy vendeve tona", ka thënë Cakaj.


## Shqipëria u godit nga një tërmet 4.5 shkallë

TIRANË, 8 QERSHOR - Lëkundje të forta tërmeti janë ndier të hënën rreth orës 17:20 në Tiranë, Durrës dhe në zonat përreth këtyre dy qyteteve të Shqipërisë. Sipas Qendrës Evropiane të Sizmologjisë, tërmeti ka qenë me magnitudë 4,5 i shkallës Rihter, ndërsa thellësia ishte vetëm

dy kilometra. Epiqendra e tërmetit ka qenë 17 kilometra në veriperëndim të Shijakut dhe 38 kilometra në veriperëndim të Tiranës. Për momentin nuk është raportuar për dëme në njerëz apo në ndërtesa. Shqipëria vazhdon të përbal-

let me pasojat e një tërmeti të fuqishëm me magnitudë 6.4 shkallësh të Rihterit, që goditi këtë vend në muajin nëntor të vitit 2019, duke lënë të vdekur 51 persona dhe qindra të tjerë të plagosur. Thumana dhe Durrësi pësuan më së shumti nga dridhjet e fuqishme të

tërmetit. Në Konferencën e Donatorëve që është mbajtur në Bruksel në muajin shkurt të 2020-s, Shqipëria ka mbledhur 1.15 miliard dollarë ndihmë për t'u rikuperuar nga pasojat e tërmetit të



nëntorit, i cili, po ashtu, ka lënë mijëra persona të pastrehë.

Mosrespektimi i masave mbrojtëse rrit numrin e të infektuarve me Covid-19 në Kosovë

# Mund të rikthehen masat rigoroze kundër Covid-19

Mikrobiologu Lul Raka ka thënë se nëse rritja e numrit të rasteve të reja me Covid-19 shkon paralelisht me numrin e madh të rasteve që kërkojnë kujdes intensiv dhe shtrirje në klinikë, atëherë mbyllja e sërishme e vendit është opsion real. Edhe drejtori i Institutit të Shëndetësisë Publike, Naser Ramadani, ka thënë se nëse Instituti sheh se qytetarët nuk po i përfillin rekomandimet, do të ndërmarrin masa rigoroze deri në kufizimin e lëvizjes apo qarkullimit



**EPOKA  
ERE** **Faton DËRMAKU**

**PRISHTINË, 8 QERSHOR** - Mosrespektimi i masave mbrojtëse ka rezultuar me rritje të numrit të të infektuarve me Covid-19 në Kosovë. Në Kosovë vetëm gjatë ditës së diel janë regjistruar 40 raste të reja me Covid-19. Nisur nga rritja e numrit të rasteve me koronavirus, autoritetet shëndetësore u kanë bërë thirrje qytetarëve për respektim të masave mbrojtëse: si ruajtja e distancës fizike, mbajtja e maskave si dhe higjiena personale.

Gjatë një vizite në pikën kufitare në Vërmicë, që lidh Kosovën me Shqipërinë, ministri i Shëndetësisë, Armend Zemaj, ka kërkuar nga qytetarët që të jenë më të kujdesshëm gjatë lëvizjes së

tyre.

Drejtori i Institutit të Shëndetësisë Publike, Naser Ramadani, tha se nëse Instituti sheh se qytetarët nuk po i përfillin rekomandimet, do të ndërmarrin masa rigoroze deri në kufizimin e lëvizjes apo qarkullimit.

Ndërkaq, mikrobiologu Lul Raka ka thënë se nëse rritja e numrit të rasteve të reja me Covid-19 shkon paralelisht me numrin e madh të rasteve që kërkojnë kujdes intensiv dhe shtrirje në klinikë, atëherë mbyllja e sërishme e vendit është opsion real.

Në Kosovë vetëm gjatë ditës së diel janë regjistruar 40 raste të reja me Covid-19. "Përveç numrit të rasteve, faktor vendimtar mund të jetë struktura klinike e këtyre rasteve të reja. Nëse ato janë raste të lehta të kontaktit familjar (disa edhe

asimptomatike), të cilat nuk kanë nevojë për hospitalizim, atëherë ato janë të menaxhueshme për sistemin shëndetësor dhe nuk ka nevojë për mbyllje të sërishme. Nëse rritja e numrit të rasteve të reja shkon paralelisht me numër të madh të rasteve që kërkojnë hospitalizim dhe kujdes intensiv, atëherë mbyllja e sërishme është opsion real", ka shkruar Raka në llogarinë e vet në "Facebook". Ai ka kërkuar nga qytetarët e Kosovës që t'i

respektojnë masat mbrojtëse në mënyrë që virusi të mbahet nën kontroll.

Në Klinikën Infektive të QKUK-së të hënën janë të shtrirë 20 pacientë me Covid-19.

Sipas një njoftimi të QKUK-së, gjendja e pacientëve të sëmurë me Covid-19 është kjo: 14 raste janë në gjendje stabile, pesë raste në gjendje të rëndë janë duke u trajtuar në repart me oksigjenoterapi dhe

Ndërkaq në repartin e Mjekimit Intensiv është duke u trajtuar një rast në gjendje të rëndë me oksigjenoterapi dhe përkujdesje intensive.

Rastet e para me Covid-19 në Kosovë u regjistruan më 13 mars.

Sipas të dhënave të fundit, në Kosovë, që prej shfaqjes së rasteve të para me Covid-19 më 13 mars, janë regjistruar 1 234 raste dhe 31 pacientë kanë vdekur dhe 890 pacientë janë shëruar.

## Norvegjia pritët ta ndihmojë Kosovën me respiratorë

**PRISHTINË, 8 QERSHOR (ER)** - Ministri i Shëndetësisë, Armend Zemaj, ka pritur të hënën në takim ambasadorin e Norvegjisë në Kosovë, Jens Erik Grendahl, me të cilin ka biseduar për bashkëpunimin midis dy shteteve në përgjigjen ndaj pandemisë Covid-19.

Ministri Zemaj e ka njoftuar ambasadorin Grandahl për masat e qeverisë në menaxhimin e kësaj faze të pandemisë dhe ka shprehur falënderimin e tij për kontributin që populli i Norvegjisë i ka dhënë Kosovës për ballafaqim me Covid-19. Ai e ka informuar ambasadorin Grandahl për aktivitetet e ndërmarrja në tërë territorin e Kosovës me qëllim të tejkalimit të situatës rreth pandemisë.

Ndërkaq ambasadori Grandahl e ka njoftuar ministrin Zemaj se në kuadër të ndihmave që Norvegjia i ka dhënë Kosovës në ballafaqim me pandeminë, gjatë kësaj jave pritët që në Kosovë të arrijnë një numër respiratorësh me të cilët ky shtet do ta ndihmojë Kosovën për fuqizimin e kapaciteteve kundër Covid-19.

Bashkëbiseduesit në këtë takim kanë shprehur përkushtimin që ta vazhdojnë bashkëpunimin, ndërkohë që qytetarëve u kanë bërë thirrje që t'i zbatojnë masat e ndërmarrja, në veçanti bartjen e maskave, ruajtjen e distancës fizike dhe mbajtjen e higjienës personale e kolektive si mënyrë për ta parandaluar përhapjen e infeksionit.



PRESIDENTI I KOSOVËS, HASHIM THAÇI, TË HËNËN KA MBAJTUR KONFERENCË PËR MEDIA

# THAÇI: KOSOVA ËSHTË GATI



Presidenti i Kosovës, Hashim Thaçi, ka deklaruar të hënën se Kosova nuk ka çfarë të hezitohet në procesin e dialogut me Serbinë. Ai ka thënë se institucionet e Kosovës janë të gatshme që të lëvizin sa më shpejt në këtë drejtim në mënyrë që vendi të anëtarësohet në BE e në NATO. Në një konferencë për media, shefi i shtetit ka vlerësuar se spektri politik duhet të jetë i bashkuar në këtë proces, duke shprehur optimizëm se marrëveshja historike mund të arrihet gjatë këtij viti. Gatishmërinë për vazhdimin e dialogut Kosovë - Serbi e kanë shprehur edhe liderët e tjerë institucionalë të vendit

Ai ka shtuar se Kosova do të punojë në zbatimin e plotë të marrëveshjeve të arritura në fillim të këtij viti, si marrëveshja për linjën ajrore Prishtinë - Beograd dhe autostradën që lidh Kosovën me Serbinë. “Dëshiroj, gjithashtu, të potencoj se vendimet e qeverisë u pasuan me reagimin pozitiv të ShBA-së. Menjëherë u zhblokuan fondet e MCC-së. Bursat që u patën ndaluar tani do t’i marrin përsëri. Vendimet e fundit që sollën këto të arritura, dëshmuar se nuk duhet të vonohemi, se duhet të marrim vendime të rëndësishme, por edhe dëshmuar se kauzat si demarkacioni, taksa ishin populiste dhe i humbën kohë Kosovës, u shkaktuan dëme institucioneve të vendit dhe imazhit tonë”, ka thënë ai. Mbështetje dialogut i ka dhënë edhe kryeministri i Kosovës, Avdullah Hoti. Ai ka thënë se kryeministri i vendit do ta udhëhojë dialogun me Serbinë pasi kështu e thotë Kushtetuta e Kosovës. Në mbledhjen që qeveria e ka

hequr vendimin për reciprocitetin me Serbinë, Hoti ka thënë se heqja e kësaj mase nënkupton largimin e pengesave për vazhdimin e dialogut. Ai ka thënë se ende nuk është vendosur ndonjë afat se deri kur ka kohë Serbia ta ndalë fushatën ndërkombëtare kundër Kosovës.

## Kuvendi do ta mbikëqyrë dialogun

Kryetarja e Kuvendit të Kosovës, Vjosa Osmani, ka deklaruar se Kuvendi do ta mbikëqyrë rreptë procesin e dialogut me Serbinë. Pas takimit me shefen e Zyrës së BE-së, Nataliya Apostolova, ajo ka thënë se Kosova nuk do të lejojë asnjë dialog në të cilin diskutohet tërësia territoriale e Kosovës. “Procesi i dialogut me Serbinë duhet të jetë i kujdesshëm. Ne nuk pranojmë asnjë version dialogu me të cilin negociohet tërësia territoriale e Kosovës. Kuvendi do të ketë rol të rreptë mbikëqyrës dhe do të


**EPOKA  
ERE****Muhamet KOCI**

**PRISHTINË, 8 QERSHOR** - Presidenti i Kosovës, Hashim Thaçi, ka bërë me dije se Kosova është gati që të rikthehet në procesin e dialogut me Serbinë. Në një konferencë për media, presidenti ka deklaruar të hënën se Kosova nuk ka çfarë të hezitohet në këtë drejtim, duke shtuar se është një rrugëtim i sigurt, i cili do të përmbyllet sipas vullnetit të qytetarëve të vendit. “E para si president shpreh mirënjohjen për heqjen e çfarëdo preteksti që Serbia e ka shfrytëzuar për t’i ikur

dialogut. Kosova e ka të qartë se çfarë kërkon në dialog. Mbi të gjitha, Kosova në këtë proces është bashkë me ShBA-në dhe të gjithë aleatët e tjerë”, ka thënë ai. Shefi i shtetit ka vlerësuar se spektri politik dhe institucionet e Kosovës duhet të jenë të bashkuara në këtë proces. Sipas tij, në procesin e dialogut me Serbinë duhet lëvizur sa më shpejt. “Duhet të lëvizim sa më shpejt në këtë drejtim që të jemi pjesë e BE-se dhe e NATO-s. Pushtetet janë të ndara, por përballë Serbisë duhet të jemi të gjithë të bashkuar. Unë besoj se do të ketë hapa konkretë në këtë drejtim. Ne kemi pasur

disa kauza të rrejshme që e kanë vonuar shtetin e Kosovës”, është shprehur Thaçi. I pyetur se a mund të arrihet marrëveshja me Serbinë brenda vitit, presidenti Thaçi ka thënë se ka besim që gjërat do të lëvizin në drejtim të duhur. “Kam besim të plotë në energjinë dhe dinamikën e ShBA-së dhe presidentin Donald Trump dhe ambasadorin Grenell. Ne duam dhe destinacioni ynë është i qartë, që të jemi pjesë e familjes evropiane, por ne jemi të vetëdijshëm se punën e shpejtë në këtë proces e ka udhëhequr ShBA-ja”, ka deklaruar Thaçi.

# PËR DIALOGUN ME SERBINË



insistojmë maksimalisht në rritjen e transparencës për procesin e dialogut. Gjithashtu, do të kërkojmë raportim në Kuvend për secilën fazë të negociatave”, ka thënë Osmani.

Më herët, ajo ka kërkuar që presidenti i vendit të sqarojë para publikut nëse ka hequr dorë nga ideja për shkëmbim të territoreve në këtë proces. “Jo për dialog të tipit të Thaçit që involvon negociata sekrete me presidentin e Serbisë dhe ka rezultuar me hapjen e temave të rrezikshme. Në vend se të dalë të marrë kompetenca

të qeverisë, ai do të duhet të dalë e të deklarojë: A u garanton të gjithë qytetarëve se nuk do të vë në asnjë tavolinë çështjen e territorit të Republikës së Kosovës dhe të sqarohet nëse ka hequr dorë nga ideja e tij dhe Vuçiqit për korigjim të kufirit”, ka deklaruar Osmani.

Ajo ka vlerësuar se këto ide janë në kundërshtim me idenë e popullit të Kosovës.

Përfaqësuesi special i Bashkimit Evropian për dialogun Kosovë - Serbi, Miroslav Lajçak, planifikon që së shpejti të marrë rrugë drejt

Prishtinës dhe Beogradit. “Lajçaku planifikon të udhëtojë drejt Kosovës dhe Serbisë sapo të krijohen kushtet që lejojnë diskutimin e modaliteteve për rikthim në dialogun e ndërmjetësuar nga BE-ja me të gjitha palët”, ka bërë me dije Zyra e Lajçakut për “Klan Kosovën”. Kjo zyrë ka bërë me dije se nuk ka një datë të saktë se kur Lajçaku do t'i vizitojë Kosovën dhe Serbinë. “Përfaqësuesi i lartë i BE-së, Josep Borrell dhe përfaqësuesi special, Miroslav Lajçak, po shohin bashkërisht bashkëpunim me qeverinë e re të drejtuar nga kryeministri

## Gjermania dhe Franca mbështesin dialogut

Kryeministri i Kosovës, Avdullah Hoti, ka pasur një bisedë telefonike me Emmanuel Bonnen, këshilltarin diplomatik të presidentit të Francës, Emmanuel Macron. Zyra e kryeministrit ka njoftuar se Bonne ka thënë se Franca e mbështet dialogun mes Kosovës dhe Serbisë të lehtësuar nga Bashkimi Evropian. Po ashtu, ka thënë se Franca mbështet përpjekjet e Qeverisë së Kosovës për reformat demokratike, luftimin e korrupsionit dhe pasojave të pandemisë Covid-19. Gjatë ditës kryeministri ka

marrë një telegram urimi nga kancelarja e Gjermanisë, Angela Merkel, ku përmendet edhe dialogu me Serbinë. “Ju dhe qeveria juaj keni sfida të mëdha përpara, veçanërisht përballja me pandeminë Covid-19, reformat kushtetuese dhe dialogu me Serbinë për normalizim, i ndërmjetësuar nga Bashkimi Evropian. Qeveria federale mbetet e gatshme ta ndihmojë Kosovën në rrugën e saj dhe të punojë për t'i kuptuar vendet e Ballkanit Perëndimor”, është thënë në telegramin e kancelares gjermane.

Avdullah Hoti drejt përparimit në marrëdhëniet BE - Kosovë. Pandemia e koronavirusit dhe pasojat e saj do të jenë sfida e përbashkët. Ne duam ta shohim Kosovën përpara në rrugën evropiane. Një rinisje e shpejtë e dialogut Beograd - Prishtinë, e lehtësuar nga BE-ja, është kyçe për normalizimin

gjithëpërfshirës në marrëdhëniet me Serbinë”, ka thënë Zyra e Lajçakut.

Dialogu Kosovë - Serbi është ndërprerë qysh në fund të vitit 2018 për shkak të taksës 100 për qind që u kishte vënë Qeveria e atëhershme e Kosovës ndaj prodhimeve të importuara nga Serbia.

## Odalloviq: Dialogu mund të fillojë pas zgjedhjeve në Serbi

Sekretari i përgjithshëm i Ministrisë së Punëve të Jashtme të Serbisë, Velko Odalloviq, ka deklaruar se pas heqjes së masave të reciprocitetit nga Qeveria e Kosovës, janë krijuar kushtet për vazhdimin e dialogut në mes të Beogradit e Prishtinës. Ai ka thënë se dinamika e këtij procesi do të dihet pasi i deleguari special i Bashkimit Evropian, Miroslav Lajçak, ta vizitojë Beogradin e Prishtinë. “Nuk e përjashtoj mundësinë

që ofensiva diplomatike të vazhdojë gjatë verës, por supozoj se fillimisht do të pritet të përfundojë procesi zgjedhor në Serbi. Jo pse ka ndonjë të papritur dhe të panjohur, kur është fjala për mandatin e atij që i prin dialogut, presidentin Aleksandar Vuçiq, kjo nuk vihet në pyetje në asnjë rast. Kur Lajçak të vijë në Beograd e në Prishtinë do të dihet për dinamikën e këtij procesi”, ka deklaruar Odalloviq.

## Kurti vizitoi disa prej pikave ku po nënshkruhet peticioni për zgjedhje të reja

PRISHTINË, 8 QERSHOR (ER) - Kryetari i Lëvizjes Vetëvendosje, Albin Kurti, ka vizituar të hënën disa prej pikave ku po nënshkruhet peticioni për zgjedhje të reja në Prishtinë. Së bashku me disa aktivistë, ai fillimisht ka vizituar pikën në lagjen Kodra e Trimave në Prishtinë, ku numri i nënshkruesve ka qenë i madh,

për të vazhduar në lagjen Tauk Bahçe, në të cilën ka takuar disa qytetarë që po e nënshkruanin peticionin, më pas ka vizituar edhe lagjen Mati, te rrethi i qytetit dhe sheshi qendror. “Nënshkrimi i peticionit po vazhdon nëpër të gjitha qytetet. Mbrëmë kaloi numrin 150 mijë dhe besojmë se këtë javë do ta kalojë numrin 200 mijë.

Qytetarët janë të bindur se e vetmja mënyrë për ta rikthyer një qeverisje legjitime në vend është përmes zgjedhjeve të lira që duhet të organizohen sa më parë. Ditëve në vijim kryetari Kurti do t'i vizitojë edhe qytetet e tjera ku po nënshkruhet peticioni”, është bërë me dije në njoftimin e Lëvizjes Vetëvendosje.



## Kryeministri Hoti bisedoi në telefon me këshilltarin e Macronit

PRISHTINË, 8 QERSHOR (ER) - Kryeministri i Republikës së Kosovës, Avdullah Hoti, ka pasur të hënën një bisedë telefonike me Emmanuel Bonne, këshilltar diplomatik i presidentit të Republikës së Francës, Emmanuel Macron, të cilin e ka falënderuar për mbështetjen në të kaluarën

dhe gatishmërinë e Francës për ta ndihmuar Kosovën në rrugën e integritimit euroatlantike. Me këtë rast, Bonee, duke e përgëzuar kryeministrin Hoti për detyrën e re, tha se Franca i mbështet përpjekjet e Qeverisë së Kosovës për reformat demokratike, luftimin e kor-

rupcionit dhe pasojave të pandemisë Covid-19. Duke i potencuar marrëdhëniet e shkëlqyeshme që ekzistojnë në mes dy vendeve tona, Emmanuel Bonne ka pohuar se Franca e mbështet dialogun në mes të Kosovës dhe Serbisë të lehtësuar nga Bashkimi Evropian.



# Fillon mësimi plotësues për testin e arritshmërisë për nxënësit e klasave të nënta

**EPOKA E RE**

Qendresa RAMA

PRISHTINË, 8 QERSHOR - Ministria e Arsimit, e Shkencës, e Teknologjisë dhe Inovacionit (MASHTI) ka kontaktuar të hënën të gjitha drejtoritë komunale të arsimit dhe, sipas raportimeve, procesi i fillimit të përgatitjeve në shkolla për testin e arritshmërisë ka shkuar sipas kalendarit të përshtatur nga MASHTI për përfundimin e vitit shkollor 2019/2020 në rrethana të pandemisë Covid-19.

Sipas raportimeve të DKA-ve, mësimi plotësues për nxënësit e klasave të nënta, i paraparë të fillojë të hënën me kalendarin e përshtatur, ka filluar në të gjitha komunat, përveç në Komunën e Malishevës dhe atë Junikut, për arsye se nuk kanë pasur mundësi t'i bëjnë përgatitjet e nevojshme në të gjitha shkollat dhe në këto komuna mësimi pritet të fillojë gjatë javës.

Paraprakisht, sipas deklaratimeve të përgjegjësve të arsimit nëpër komuna, është bërë edhe dezinfektimi i objekteve shkollore dhe janë siguruar dezinfektues dhe maska në shkolla dhe po zbatohen rekomandimet e IKShP-së.

Mësimi plotësues për përgatitje për testin e arritshmërisë do të zgjasë deri më 19 qershor, ndërsa testi do të mbahet më 23 qershor.

Ministri i Arsimit, Shkencës, Teknologjisë dhe Inovacionit, Ramë Likaj, bashkë me drejtorëshën e Arsimit në Prishtinë, Shpresa Shala, kanë



vizituar të hënën Shkollën Filllore dhe të Mesme të Ulët "Faik Konica" në Prishtinë, për të parë nga afër rrjedhën e ditës së parë të mësimi plotësues për klasat e nënta, para mbajtjes së testit të arritshmërisë.

Ministri Likaj, me këtë rast, ka takuar menaxhmentin e shkollës, mësimdhënësit dhe nxënësit, me të cilët ka biseduar për sfidat e

organizimit të mësimi plotësues, ndërsa ka kërkuar nga ata të respektojnë Udhëzuesin e hartuar nga MASHTI në të cilin janë të përshkruara në detaje udhëzimet dhe masat të cilat duhet të ndërmerren për ta realizuar mësimin plotësues dhe testin e arritshmërisë.

Ministri Likaj i ka lutur nxënësit, mësimdhënësit dhe gjithë stafin e kësaj shkolle dhe

të të gjitha shkollave në Kosovë, që t'i respektojnë masat mbrojtëse të rekomanduara nga Ministria e Shëndetësisë dhe IKShP-ja, përfshirë ato të bartjes së maskave, higjienës dhe distancës sociale në të gjitha ambientet ku ndodhen dhe të sillen me përgjegjësi, pasi që çdo pakujdesi mund të ndikojë në rrezikun e përhapjes së infeksionit.

Po ashtu, ministri Likaj ka përgëzuar edhe menaxhmentin dhe mësimdhënësit e kësaj shkolle për ndërtimin e tunelit dezinfektues para objektit të shkollës si dhe për punimin e maskave mbrojtëse për nxënësit e tyre me kosto minimale, ndërsa ka theksuar se ky shembull duhet të ndiqet edhe nga institucionet e tjera shkollore.

## Klinika e Neonatologjisë për tre muaj ofroi ndihmë mjekësore për 1 918 foshnja

PRISHTINË, 8 QERSHOR (ER) - Klinika e Neonatologjisë gjatë tre muajve të fundit ka ofruar shërbime të nevojshme shëndetësore për të gjitha foshnjat,

përkundër situatës së krijuar me virusin Covid-19. Nga të dhënat e dala prej raportit të punës, në këtë klinikë janë trajtuar 1 918 foshnja me probleme të

natyrave të ndryshme. 72 prej tyre janë transferuar nga spitalet regjionale, përfshirë edhe ato private për trajtim të mëtutjeshëm. Nga numri i

përgjithshëm, në Neonatologji janë pranuar 149 foshnja të lindura para kohe, kurse kujdesit intensiv i janë nënshtruar 223 foshnja.



# Hoti, Apostolovës: Do të punojmë ngushtë me BE-në për ta përsheptuar procesin e integrimit

Kryeministri Avdullah Hoti ka takuar të hënën ndaras shefen e Zyrës së Bashkimit Evropian, Nataliya Apostolova dhe ambasadorin e Italisë, Nicola Orlando, nga të cilët ka marrë urime për zgjedhjen në postin e kryeministrit të vendit. Hoti ka thënë se Qeveria e Kosovës do të punojë ngushtë me BE-në për ta përsheptuar procesin e integrimit të vendit tonë në familjen e vendeve demokratike evropiane



tregut të lirë.

Ndërsa ambasadorja Apostolova, pasi e ka përgëzuar kryeministrin Hoti për detyrën e re, ka theksuar se Bashkimi Evropian do të vazhdojë t'i përkrahë institucionet e Kosovës për menaxhimin e pandemisë Covid-19 si dhe do t'i sigurojë Qeverisë së Kosovës mbështetje financiare për rimëkëmbjen ekonomike. Gjithashtu, ajo vuri theksin në funksionimin e shtetit ligjor dhe demokratik si shtet i rëndësishëm në procesin e afrimit të Kosovës drejt BE-së. Po ashtu, kryeministri Hoti ka pritur të hënën në takim edhe

ambasadorin e Republikës së Italisë në Kosovë, Nicola Orlando.

Gjatë këtij takimi Hoti e ka falënderuar ambasadorin Orlando për mbështetjen e përhershme të Italisë për vendin tonë si dhe ka pohuar vendosmërinë e Qeverisë së Kosovës për të punuar ngushtë me Italinë edhe në të ardhmen. Kryeministri Hoti e ka njoftuar ambasadorin Orlando për prioritetet e Qeverisë së re të Kosovës, ndër të cilat veçoi luftën kundër pandemisë Covid-19 dhe rimëkëmbjen ekonomike të vendit. Po ashtu, ai ka thënë se

Qeveria e Kosovës është tërësisht e përkushtuar për forcimin e shtetit ligjor, avancimin e demokracisë, luftimin e korrupsionit, rritjen e punësimit, zhvillimin e tregut të lirë etj. Ndërkaq, ambasadori Orlando, duke e uruar kryeministrin Hoti për detyrën e re, ka pohuar se Italia do të vazhdojë ta mbështesë Kosovën në luftimin e pandemisë Covid-19 si dhe në përpjekjet e saj për t'i përmirësuar marrëdhëniet rajonale, mbështetjen e zhvillimit ekonomik, forcimin e sundimit të ligjit dhe luftën kundër korrupsionit.

EPOKA  
ERE

Faton DËRMAKU

PRISHTINË, 8 QERSHOR - Kryeministri i Kosovës, Avdullah Hoti, ka pritur të hënën në një takim shefen e Zyrës së Bashkimit Evropian në Kosovë, Nataliya Apostolova. Gjatë këtij takimi, kryeministri Hoti ka thënë se Qeveria e Republikës së Kosovës do të punojë ngushtë me BE-në për ta përsheptuar procesin e integrimit të vendit tonë në familjen e vendeve demokratike evropiane. Kryeministri Hoti ka folur edhe

për prioritetet aktuale të Qeverisë së Kosovës siç janë menaxhimi i pandemisë Covid-19 dhe rimëkëmbja ekonomike e vendit.

Hoti ka thënë se Kosova është jashtëzakonisht mirënjohëse për mbështetjen konkrete nga BE-ja në luftën kundër pandemisë së shkaktuar nga Covid-19. Me këtë rast, ai tha se Qeveria e Kosovës njëkohësisht do të punojë me tërë kapacitetin e saj për forcimin e rendit dhe ligjit, për thellimin e demokracisë, luftimin e korrupsionit, zbutjen e papunësisë dhe zhvillimin e



## Ministri Selimi premtion mbështetje për viktimat e dhunës në familje

PRISHTINË, 8 QERSHOR (ER) - Ministri i Drejtësisë, Selim Selimi, ka vizituar të hënën Qendrën për Mbrojtjen e Grave dhe Fëmijëve (QMGF) në Prishtinë, me ç'rast është takuar me drejtoreshën e QMGF-së, Zana Asllani, si dhe udhëheqësen e UN Women, Zyra në Kosovë, Vlora Tuzi-Nushi. Ministri Selimi në vizitën e parë zyrtare është njoftuar për sfidat dhe mundësitë e bashkëpunimit me strehimoret e viktimave të dhunës në familje. "Kjo është vizita ime e parë zyrtare dhe jorastësisht e kemi zgjedhur këtë strehimore për ta dërguar mesazhin se dhuna në familje duhet të trajtohet seriozisht. Dhuna në familje është një shqetësim i yni, së cilës do t'i qasemi në mënyrë serioze", ka thënë ministri Selimi.

Pas përfundimit të takimit, ministri Selimi ka takuar edhe disa nga viktimat e dhunës në familje, që janë të strehuara në këtë qendër. "Pata rastin të takohem edhe me disa nga viktimat e dhunës që janë të strehuara këtu dhe mesazhi imi ishte: hapi i parë, më i madh dhe më i vështiri është ardhja e viktimave të dhunës në këtë qendër sepse kjo është një shkëputje e zinxhirit të dhunës", ka thënë ai.

Ministri Selimi ka pohuar se shumë shpejt do të adresohet edhe çështja e riintegrit të viktimave të dhunës në familje. "Sfida më e madhe është riintegrimi i tyre. Besoj se shumë shpejt, në bazë të disa rekomandimeve që kemi bërë bashkë me Agjencitë e Kombeve të Bashkuara, të fillojmë menjëherë që ta shikojmë



mundësinë e bashkëpunimit me sektorin privat", ka deklaruar ministri Selimi.

I pari i Ministrisë së Drejtësisë falënderoi të gjithë ata të cilët janë angazhuar në çështjet që kanë të bëjnë me viktimat e

dhunës në familje, me theks të veçantë ish-zëvendësministrin Naim Qelaj, njëherësh edhe ish-Koordinator Nacional Kundër Dhunës në Familje në Ministrinë e Drejtësisë.

Ndërsa drejtoresha e QMGF-së,

Zana Asllani, falënderoi ministrin Selimi për mbështetje, duke shtuar se kjo vizitë tregon gatishmërinë dhe interesimin e institucioneve për t'i ndihmuar strehimoret e viktimave të dhunës në familje.

## Mbyllen tri kopshte të fëmijëve në Prishtinë pas identifikimit të rasteve me Covid-19

PRISHTINË, 8 QERSHOR (ER) - Kryetari i Komunës së Prishtinës, Shpend Ahmeti, ka bërë me dije se të hënën janë mbyllur tri kopshte të fëmijëve pas identifikimit të rasteve të infektuara me Covid-19. Sipas Ahmetit, dy fëmijë kanë rezultuar pozitivë, kurse në një njërin prej kopshteve është thënë se bashkëshorti i një edukatoreje është prekur, po ashtu, nga Covid-19. "Për shkak të kujdesit në kemi vendosur t'i

mbyllim këto kopshte dhe t'i dezinfektojmë. Nesër do të testohen të gjithë fëmijët e atyre dy klasave për të parë a ka pasur ngjitje të virusit më tutje. Jemi duke punuar, ku janë kontaktet e tyre në mënyrë që ta kufizojmë shpërndarjen e virusit", ka thënë Ahmeti në një konferencë për media.

Kryetari i Prishtinës ka thënë se tani për tani nuk do të ketë rikthim të menjëhershëm të masave të izolimit, ndonëse

ka thënë se nuk do të hezitet në mbylljen e kopshteve të fëmijëve apo lokaleve, që potencialisht mund të jenë vatra të përhapjes së virusit. Në Kosovë vetëm gjatë ditës së dielës janë regjistruar 40 raste të reja me Covid-19. Sipas të dhënave të fundit, në Kosovë që prej shfaqjes së rasteve të para me koronavirus më 13 mars janë regjistruar 1 234 raste dhe 31 pacientë kanë vdekur dhe 890 pacientë janë shëruar.



## Kuvendi këtë të enjte do të shqyrtojë një varg projektligjesh

**EPOKA ERE** Albulena S. MAVRAJ

PRISHTINË, 8 QERSHOR - Kryesia e Kuvendit të Republikës së Kosovës, nën drejtimin e kryetares Vjosa Osmani, ka mbajtur të hënën mbledhjen e radhës, në të cilën ka vendosur që seanca e radhës e Kuvendit të mbahet këtë të enjte, duke filluar në orën 10:00. Në këtë seancë pritet të shqyrtohen një varg projektligjesh si dhe pika të tjera të proceduara nga qeveria. Pritet shqyrtimi i vendimit të Qeverisë së Republikës së Kosovës nr. 02/03, dt. 05.06.2020, me të cilin kërkohet nga Kuvendi i Republikës së Kosovës të bëjë ndryshim dhe tejkallimin e përkohshëm të rregullave fiskale të deficitit, si dhe kufizimit të bilancit bankar të përdorshëm, sipas nenit 22B të Ligjit Nr. 03/L-048 për Menaxhimin e Financave Publike dhe Përgjegjësitë, i plotësuar dhe ndryshuar me Ligjin nr. 03/L-221, Ligjin nr. 04/L-116, Ligjin nr. 04/L-194, Ligjin nr. 05/L-063 dhe Ligjin nr. 05/L-007.

Gjithashtu, do të shqyrtohen pesë projektligje: Projektligji për ratifikimin e Marrëveshjes për financim ndërmjet Republikës së Kosovës dhe Asociacionit Ndërkombëtar për Zhvillim për Projektin e Fuqizimit të Sektorit Financiar (MFT), Projektligji



për Ratifikimin e Marrëveshjes për Hua ndërmjet Republikës së Kosovës dhe Bankës Evropiane për Rindërtim dhe Zhvillim për Projektin e Zhvillimit të Ujërave të Zeza në Gjilan (MFT), Projektligji për Ratifikimin e Marrëveshjes për Financimin e Projektit për Kadastër të Patundshmërisë dhe Infrastrukturë Gjeohapësinore ndërmjet Republikës së Kosovës dhe Asociacionit Ndërkombëtar për Zhvillim (MFT), Projektligji për Ratifikimin e Marrëveshjes ndërmjet Bashkimit Evropian dhe Republikës së Kosovës mbi

Pjesëmarrjen e Kosovës në Programin e Bashkimit "Dogana 2020" (MFT), si dhe Projektligji për Ratifikimin e Marrëveshjes ndërmjet Bashkimit Evropian dhe Republikës së Kosovës mbi Pjesëmarrjen e Kosovës në Programin e Bashkimit "Fiskalis 2020" (MFT).

Pikë e rendit të ditës i kësaj seance do të jetë edhe raporti vjetor financiar i Buxhetit të Republikës së Kosovës për vitin 2019. Këto çështje paraprakisht do të trajtohen në komisionet përkatëse parlamentare. Kryesia e Kuvendit në këtë

mbledhje ka shqyrtuar edhe çështje të tjera nga fushëveprimtaria e saj.

Kryesia ka proceduar për mendim në qeveri katër iniciativa ligjore të Kuvendit: Projektligjin për Parandalimin dhe Luftimin e Pandemisë Covid-19 në territorin e Republikës së Kosovës, Projektligjin për masat e përkohshme për ta lehtësuar efektin e Pandemisë "Covid-19", Projektligjin për plotësimin dhe ndryshimin e Ligjit nr. 03/L-048 për menaxhimin e financave publike dhe përgjegjësitë, i

plotësuar dhe i ndryshuar me Ligjin nr. 03/L-221, me Ligjin nr. 04/L-116, me Ligjin 04/L-194, me Ligjin 05/L-063, dhe me Ligjin 05/L-007 dhe Projektligjin për mbrojtjen e vlerave të luftës së Ushtrisë Çlirimtare të Kosovës.

Është formuar, gjithashtu, grupi punues për hartimin e Planit Strategjik të Kuvendit për periudhën 2021-2025, ndërsa është kërkuar kompletimi sa më i shpejtë i grupeve të miqësisë, Grupit të Grave Deputeteve, Grupit të Deputetëve të Rinj dhe Grupit të Deputetëve të Gjellbër.

## Deputetët e LV-së dorëzuan nismë ligjore për votimin e mërgatës në ambasada dhe konsullata

**EPOKA ERE** Qendresa RAMA

PRISHTINË, 8 QERSHOR - Të hënën një grup i deputetëve i Lëvizjes Vetëvendosje ka proceduar nismën ligjore për ndryshimin dhe plotësimin e Ligjit për Zgjedhje të Përgjithshme përmes të cilit iu mundësohet bashkatdhetarëve që ta përmbushin të

drejtën e tyre kushtetuese për të votuar në ambasada dhe konsullata të Republikës së Kosovës. "Mërgata përbën më shumë se 1/3 e popullsisë së tërësishme në Kosovë. Roli dhe kontributi i bashkatdhetarëve ka qenë dhe vazhdon të jetë shumë i rëndësishëm në jetën ekonomike dhe sociale e politike në Kosovë. Rreth 700 milionë

euro në vit vijnë nga mërgata. Fatkeqësisht, dhe jo për fajin e saj, roli politik i mërgatës është reduktuar shumë kur bëhet fjalë për përfshirjen e tyre në vendimmarrje", është bërë me dije në njoftimin e Lëvizjes Vetëvendosje.

Po në këtë njoftim është bërë me dije se me projektligjin e propozuar nga deputetët e Lëvizjes Vetëvendosje votue-



sit nga mërgata do ta kenë mundësinë që ta realizojnë të drejtën e vet kushtetuese që

të votojnë në ambasadat dhe konsullatat e Republikës së Kosovës në vendet ku jetojnë.



## Bien çmimet e prodhimit në Kosovë

**EPOKA  
ERE** Albulena S. MAVRAJ

PRISHTINË, 8 QERSHOR - Në tre muajt e parë të këtij viti çmimet e prodhimit në Kosovë kanë pësuar rënie. Pjesa më e madhe vërehet te nxjerrja e xehes së metalit dhe prodhimi i makinerisë dhe pajisjeve. Kështu bëhet me dije në raportin "Indeksi i Çmimeve të Prodhimit, tremujori i parë 2020", i publikuar nga Agjencia e Statistikave të Kosovës (ASK). Sipas ASK-së, çmimet e prodhimit që kanë pësuar rënie më të ulët janë prodhimi i produkteve të gomës dhe të plastikës. "Çmimet e prodhimit në Kosovë pësuan rënie në një mesatare prej 0.2 për qind në mes të tremujorit të parë të vitit 2019 dhe tremujorit të parë të 2020-s. Rënie më të mëdha, sipas degëve të veprimtarive ekonomike, vërehen te nxjerrja e xehes së metalit me 5.6 për qind,



prodhimi i makinerisë dhe pajisjeve me 4.6 për qind, prodhimi i produkteve minerale jo metalike me 2.9 për qind, prodhimi i mobilie me 2.2 për qind, prodhimi i pijeve me 2.1 për qind, prodhimi i metaleve

me 1 për qind, energjia elektrike, gazi, avulli dhe furnizimi me ajër të kondicionuar me 0.9 për qind, prodhimi i drurit dhe i produkteve të drurit dhe të tapës, përveç mobilie: prodhimi i artikujve nga kashta

dhe materialeve të gërshetuara - thurëse me 0.8 për qind, prodhimi i letrës dhe produkteve prej letrës me 0.5 për qind, prodhimi i pajisjeve elektrike me 0.5 për qind, grumbullimi, trajtimi dhe furnizimi me ujë me

0.3 për qind dhe prodhimi i produkteve të gomës dhe të plastikës me 0.2 për qind", thuhet në raport.

ASK-ja ka njoftuar se rënia është neutralizuar nga ngritja e çmimeve të prodhimit të lëkurës dhe produkteve prej lëkurës, prodhimi i produkteve të fabrikua metalike, përveç makinerisë dhe pajisjeve. "Rënia u neutralizua nga ngritja e çmimeve te: prodhimi i lëkurës dhe produkteve prej lëkurës me 7 për qind, prodhimi i produkteve të fabrikua metalike, përveç makinerisë dhe pajisjeve me 2.6 për qind, prodhimi i mjeteve motorike të (transportit), rimorkiove dhe gjysmë rimorkiove me 1.4 për qind, përpunimi i produkteve ushqimore me 0.7 për qind, xehoret dhe guroret e tjera me 0.4 për qind dhe prodhimi i produkteve kimike me 0.4 për qind", thuhet në raportin e ASK-së.

## KEK-u shton masat mbrojtëse kundër përhapjes së pandemisë

**EPOKA  
ERE** A. MAVRAJ

PRISHTINË, 8 QERSHOR - Korporata Energjetike e Kosovës (KEK sh.a.) ka shtuar masat mbrojtëse në vazhden e përpjekjeve për mbrojtjen dhe parandalimin e përhapjes së pandemisë Covid-19. "Në këtë drejtim, u.d. kryeshefi ekzekutiv, Luigj Imeri, ka kontaktuar të gjithë kolegët të cilët kanë rezultuar pozitivë në testin për Covid-19, me ç'rast dy nga nëntë kolegët tanë kanë shprehur se kanë simptoma më të theksuara, njëri gjendet në spital për trajtim, ndërsa të tjerët gjenden në vetizolim dhe në gjendje të mirë (pa simptoma) dhe stabile. Në anën tjetër, falë bashkëpunimit të

shkëlqyer me IKShPK-në, sot janë testuar edhe 46 nga 63 kolegët tanë që dyshohet se kanë pasur kontakt me kolegët që kanë rezultuar pozitivë me Covid-19", thuhet në komunikatën e KEK-ut.

Për më tepër, Komiteti i Sigurisë në nivel të Korporatës dhe u. d. kryeshefi ekzekutiv, pas analizimit të situatës, kanë vendosur ta ndryshojnë orarin e punës në njësitë prodhuese DPQ, TCA dhe TCB. "Si rrjedhojë, tani e tutje në prodhim do të punohet me dy ndërrime nga 12 orë, ndërsa në mirëmbajtje do të punohet në grupe vetëm në ndërrimin e parë gjithashtu me orar 12 orë, hap ky që do ta shmangë në masë lëvizjen e punëtorëve të cilët udhëtojnë nga të gjitha



trevat e Kosovës.

Prandaj, menaxhmenti bën apel edhe një herë te të gjithë punëtorët që të jenë vigjilentë kudo që ndodhen në

respektimin e rekomandimeve të IKShPK-së, duke mbajtur distancën sociale dhe, gjithashtu, përdorimin e pajisjeve të nevojshme

higjienike. Këto veprime janë të domosdoshme për ta parandaluar përhapjen e pandemisë", theksohet në komunikatën e KEK-ut.

## Rukiqi, apel bizneseve: Respektojini masat ose mund të ktheheni në pikën zero

PRISHTINË, 8 QERSHOR (ER) - Kryetari i Odës Ekonomike të Kosovës, Berat Rukiqi, ka bërë thirrje që bizneset t'i respektojnë masat mbrojtëse për parandalimin e përhapjes së koronavirusit. Në një shkrim publikuar në llogarinë e vet në "Facebook", ai ka thënë se "pas shumë përpjekjeve që kemi bërë për ta lejuar hapjen graduale të ekonomisë, gjithçka mund të kthehet në pikën zero". "Kemi bërë shumë përpjekje dhe mund për ta lejuar hapjen graduale të ekonomisë, por gjithçka mund të kthehet në pikën zero nëse masat për të cilat jemi zotuar se do t'i respektojmë, nuk respektohen,



sidomos në bizneset ku ka grumbullime dhe turma", ka shkruar Rukiqi. Ai ka thënë se bota ka filluar t'i kthehet normalitetit, por ky normalitet tani i ka rregullat e veta. "Rregullat mbi rregullat është kujdesi për veten dhe të tjerët, duke mbajtur distancën, duke mbajtur maskat (sidomos stafi) dhe duke bërë dezinfektime të rregullta. Mospërhapja e virusit dhe shkuarja drejt përfundimit zyrtar të pandemisë na lejon të fokusohemi në pjesën e masave për rimëkëmbjen e ekonomisë. Sa më shpejt që kemi përfundim zyrtar të pandemisë, aq më e shpejtë do të jetë rimëkëmbja ekonomike", është shprehur ai.

## Nis faza e dytë e dezinfektimit hapësinor në kryeqytet

**PRISHTINË, 8 QERSHOR (ER)** - Në Komunën e Prishtinës ka filluar faza e dytë e dezinfektimit hapësinor në kryeqytet. Me këtë rast, kjo komunë ka lutur qytetarët për bashkëpunim në mënyrë që ky aktivitet të jetë sa më i suksesshëm. "Gjatë kohës së

dezinfektimit qytetarët duhet t'i mbajnë dritaret e mbyllura që mos futen insektet brenda dhe t'i kufizojnë daljet nëpër hapësirat ku është duke u kryer dezinfektimi, së paku për një orë. Gjithashtu, apelohej te shoqatat e bletarëve për kujdes të shtuar

gjatë kësaj periudhe. Monitorimi i këtij procesi nga ana e Komunës së Prishtinës do të jetë i vazhdueshëm dhe në bashkëpunim me qytetarët do ta japim maksimumin për një dezinfektim sa më efektiv", ka njoftuar Komuna e Prishtinës.



## Nis ndërtimi i ujësjellësit në fshatin Jançisht të Malishevës

**MALISHEVË, 8 QERSHOR (ER)** - Jançishti është fshat i komunës së Malishevës, në të cilin të hënën kanë filluar punimet për ndërtimin e ujësjellësit. Në fillimin e punimeve kanë marrë pjesë edhe kryetari i komunës së Malishevës, Ragip Begaj, dhe drejtori i Shërbimeve Publike, Milazim Morina.

Begaj ka thënë se realizimi i këtij projekti ka rëndësi për banorët e këtij fshati. "Sot për ju banorë të fshatit Jançisht, por edhe për ne si institucione udhëheqëse komunale, është një ditë e veçantë dhe e rëndësishme, sepse ta sigurosh ujën e pijshëm për banorët ke siguar mirëqenien e njerëzve

dhe ke hapur rrugën për zhvillim ekonomik, pasi uji është aset qenësor për jetën e njerëzve", ka thënë Begaj. Ky projekt është duke u financuar Zyra Zvicerane për Bashkëpunim në Kosovë (SDC) dhe Qeveria e Kosovës, kurse implementohet nga konsorciumi "Dorsch&CDI".

## Komuna e Skenderajt vazhdon implementimin e projekteve infrastrukturore

**SKENDERAJ, 8 QERSHOR (ER)** - Në kuadër të zhvillimit të projekteve infrastrukturore, për të krijuar kushte të favorshme për secilin qytetar të Komunës së Skenderajt, ka vazhduar asfaltimi i segmenteve rru-

gore në fshatin Kotorr. Punimet për realizimin e këtij projekti i ka inspektuar nënkryetari i Komunës së Skenderajt, Nuredin Lushtaku, bashkë me stafin e Drejtorisë së Urbanizmit.



## Tahiri inspektoi marketet, barnatoret dhe bizneset në Vushtrri



**VUSHTRRI, 8 QERSHOR (ER)** - Komuna e Vushtrrisë po cilësohet si vatër potenciale e Covid-19 pas rasteve të vazhdueshme. Kryetari i kësaj komune, Xhafet Tahiri, të hënën ka shoqëruar inspektorët sanitarë komunalë gjatë inspektimit në institucionet publike, marketet, barnatoret dhe bizneset e tjera. Komuna e Vushtrrisë është duke shqyrtuar mundësinë që ta ndryshojë rregulloren komunale për gjobat mandatore për të shqiptuar masa për mosmbajtje të maskës dhe distancës sociale. Tahiri iu ka shpjeguar

bizneseve që çdo gjë tashmë është e qartë, ose maska për personelin dhe konsumatorët ose mbyllje. "Do ta mbrojmë qytetin e qytetarët dhe këtë liri me çdo kusht. Shumica e qytetarëve dhe bizneseve janë bashkëpunues e të ndërgjegjshëm, prandaj kjo na e bën punën më të lehtë. Në Komunë, QKMF, gjykatë dhe në dyqane, nuk lejohet hyrja pa maska. Të mbash maskë nuk është marre, me përhap virusin edhe është marre, edhe është e kundërligjshme", ka thënë Tahiri.

## Publicisti Mustafë Ismaili vizitoi Komunën e Fushë-Kosovës

**FUSHË KOSOVË, 8 QERSHOR (ER)** - Publicisti dhe veprimtari i çështjes kombëtare, Mustafë Ismaili, i cili jeton dhe vepron në Toronto të Kanadasë, ka

vizituar të hënën Komunën e Fushë-Kosovës, ku është prituri në takim nga kryetari i kësaj komune, Burim Berisha. Ismaili është anëtar i shumë

shoqatave të shkrimtarëve shqiptarë kudo nëpër botë. Ka të botuara poezi, romane, reportazhe dhe udhëpërshkrime në gjuhën shqipe dhe

angleze. Në fund të këtij takimi Ismaili ia ka dorëzuar Berishës disa nga titujt e veprave të tij të publikuara në gjuhën shqipe.





## Zelanda e Re, zero raste aktive, heq masat kundër Covid-19

WELLINGTON, 8 QERSHOR - Zelanda e Re do t'i heqë pothuajse të gjitha masat kundër koronavirusit pasi nuk ka më asnjë rast aktiv. Nisur nga mesnata e sotme, sipas kohës lokale, distancimi fizik nuk do të kërkohet më dhe nuk do të ketë kufizime

në tubimet publike. Kufijtë, megjithatë, do të mbeten mbyllur.

Zelanda e Re nuk ka raportuar raste me Covid-19.

Kryeministria Jacinda Ardern tha se "ka vallëzuar pak" kur i është thënë se vendi nuk ka më

raste aktive me koronavirus. "Edhe pse jemi në pozitë më të sigurt dhe më të fuqishme, nuk ka ende rrugë të lehtë për t'u kthyer në jetën e para Covid-19", tha Ardern, duke shtuar se "vendosmëria që kemi pasur në përgjigjen tonë shëndetësore,

tani do të përqendrohet në rindërtimin tonë ekonomik".

Zelanda e Re është izoluar më 25 mars, duke mbyllur shumicën e bizneseve dhe shkollat, ndërsa njerëzve u është thënë të qëndrojnë në shtëpi.

Pas më shumë se pesë javësh ka



nisur të rihapet gradualisht. Zelanda e Re ka konfirmuar 1 154 raste me koronavirus dhe 22 viktima.

## Tre të vdekur dhe 127 raste të reja me Covid-19 në Maqedoni

SHKUP, 8 QERSHOR - Në Maqedoninë e Veriut të hënë janë regjistruar shifra rekorde të të infektuarve me koronavirus.

Ministri i Shëndetësisë së Maqedonisë së Veriut, Venko Filipçe, ka njoftuar se nga testimi i 702 mostrave, 127 persona kanë rezultuar pozitivë me Covid-19, sëmurdjen që e shkakton koronavirusi, ndërsa tre persona kanë ndërruar jetë.

Viktimat janë një burrë 70-vjeçar nga Kumanova dhe dy nga Shkupi të moshës 62 dhe

78-vjeçare, me çka numri i përgjithshëm i të vdekurve nga koronavirusi ka arritur në 156.

Nga të infektuarit, sipas njoftimit të Ministrisë së Shëndetësisë, 67 janë nga Shkupi, 33 në Shtip, në Tetovë 10, Ohër 6, Strugë 5, Probishtip dhe Koçan 2, ndërsa në Dibër dhe Kumanovë nga 1 rast.

Zonat me më së shumti raste me koronavirus në Shkup janë komuna e Çairit, Qendra dhe Buteli.

Që nga paraqitja e koronavirusit, në Maqedoninë e Veriut janë testuar 37 027

mostra për Covid-19 dhe pozitiv me koronavirus janë 3 152 persona. Numri i të shëruarve ka arritur në 1 653, ndërsa raste aktive janë 1 343.

Numri i madh i infektiveve kanë ndodhur në dhjetë ditët e fundit edhe për më shumë se 900 raste. Komisioni i Sëmurdjeve Infektive i ka propozuar qeverisë aplikimin e orës policore në vatrat e përhapjes së virusit si në Shkup, Tetovë, Kumanovë dhe Shtip. Ndalimi i lëvizjes së qytetarëve është propozuar nga ora 22:00 deri në orën 05:00.



## Autoritetet amerikane kërkojnë intervistimin e princit britanik Andrew

NJU JORK, 8 QERSHOR - Departamenti amerikan i Drejtësisë është duke kërkuar ta marrë në pyetje Princin Andrew të Britanisë së Madhe, në kuadër të hetimeve për dyshimet rreth bashkëfajësisë në komplot me financierin tashmë të vdekur dhe të dënuar për krime seksuale, Jeffrey Epstein, ka thënë një zyrtar i zbatimit të ligjit në Shtetet e Bashkuara, transmeton "Reuters".

Hetuesit amerikanë kërkojnë të intervistojnë, Andrewin, djalin e dytë të Mbretëreshës Elizabetë, rreth shoqërisë së tij me Epsteinin, i cili është gjetur i vdekur në burg vitin e kaluar, teksa ka qenë duke pritur akuzat për trafikim të të miturave, ka thënë ky zyrtar në kushte anonimiteti.

Gazeta britanike "Sun" ka raportuar të hënë se



Departamenti Amerikan i Drejtësisë u ka dërguar autoriteteve britanike një kërkesë, që lidhet me hetimet penale, me qëllim të mbledhjes së materialeve në shtetet e

tjera, të cilat nuk mund të sigurohen nga bazat e bashkëpunimit policor.

Një zëdhënëse e këtij Departamenti dhe Pallati Buckingham në Britani nuk

kanë pranuar të komentojnë këtë çështje.

Andrew, 60-vjeçar, nuk është akuzuar për asnjë keqbërje, është thënë në një deklaratë publike të muajit nëntor, kur ai

ka hequr dorë nga detyrat publike si pasojë e zemërimit të ngritur për lidhjet e tij me Epsteinin.

Atëbotë ai është thënë se ka gatishmëri për të ndihmuar "nëse ndonjë agjenci e duhur e zbatimit të ligjit i kërkon ndihmë në hetime".

Në muajin mars, prokurori i Manhatanit, Geoffrey Berman, ka thënë se, pavarësisht prej deklaratave publike të princit britanik, ai "ka mbyllur derën për bashkëpunim vullnetar andaj zyra jonë është duke i shqyrtuar mundësitë".

Nëse pranohet kërkesa amerikane nga autoritetet britanike, atëherë prokurorët e ShBA-së do të mund t'i kërkojnë princit Andrew që vullnetarisht të marrë pjesë në një intervistë, apo mund edhe ta detyrojnë që të ofrojë të dhëna në gjykatë, nën betim.

## Powell: Trumpi "ka dalë nga Kushtetuta"

UASHINGTON, 8 QERSHOR - Ish-sekretari amerikan i Shtetit, Colin Powell, kritikoi ashpër presidentin e Shteteve të Bashkuara, Donald Trump, për mënyrën se si i ka adresuar protestat kundër racizmit në ShBA.

Powell, republikan dhe ish-oficer i lartë ushtarak, tha se Trump "ka

dalë nga Kushtetuta". "Ne kemi kushtetutë dhe duhet ta ndjekim atë, por presidenti është larguar prej saj", tha Powell për rrjetin televiziv CNN.

Powell tha se në zgjedhjet presidenciale të nëntorit në ShBA do ta votojë rivalin e Trumpit, kandidatit demokrat Joe Biden.

Trump reagoi duke thënë se

Powell është "tepër i mbivlerësuar".

Powell, afrikano-amerikani i vetëm që ka shërbyer si shef i Shtabit të Përgjithshëm të Ushtrisë amerikane, i është shtuar një listë të gjatë të zyrtarëve që kanë dënuar përgjigjen e Trumpit ndaj protestave.

ShBA-ja qysh në fund të majit

është përfshirë nga protestat kundër racizmit për shkak të vdekjes së një afrikano-amerikani në duart e policisë.

Trump i ka cilësuar protestuesit si "anarkistë profesionistë, plaçkitës, kriminelë" dhe ka kërcënuar se do ta përdorë ushtrinë kundër tyre.

Powell tha se retorika e presi-



dentit është rrezik për demokracinë amerikane.





## Kim dhe Kanye drejt divorcit



**C**ifti i njohur Kim Kardashian dhe Kanye West së fundmi janë bërë temë diskutimi në mediat rozë, e gjithë kjo për shkak të një sherri në karantinë i cili gati sa nuk çoi deri te divorci. Sipas medieve të huaja, thuhet se sherri mes tyre ka nisur gjatë periudhës së

karantinës, pasi Kimi i ankohej vazhdimisht se nuk po e ndihmonte aspak me fëmijët. Kimi ishte shprehur e revoltuar dhe se ndihej tejet e lodhur dhe e mbingarkuar, pasi gjatë asaj periudhe ajo nuk kishte mundësi të punësonte një dado për fëmijët për shkak të distancimit fizik.

## Albumi “Chromatica” i Lady Gagas, më i shituri në 2020-n



**K**ëngëtarja Lady Gaga njihet për çmimet e marra, mirëpo edhe këtë vit ka ecur mirë pasi albumi i saj më i ri që mban emrin “Chromatica” është renditur i pari si më i shituri në Mbretërinë e Bashkuar.

Sipas BBC-së, Lady Gaga deri tani ka shitur 53 mijë kopje. Gaga ka folur haptas se ka vuajtur nga sëmundjet kronike dhe depresioni. Ajo ka treguar se albumi kishte për qëllim të ishte një antidot për kohët e vështira.



## David Beckhami planifikon realizimin e emisionit të gatimit

**P**o flitet që ish-futbollisti David Beckham është në bisedime me “BBC”-në dhe Netflix për krijimin e një emisioni të gatimit i cili do të zhvillohej nga kompania e tij, “Studio 99”, shkruajnë mediat e huaja. E gjithë kjo ide besohet se lindi pasi aftësitë e tij në kuzhinë janë përmirësuar dukshëm gjatë periudhës në karantinë. “Një prej


dobive të rastësishme të karantinës për Davidin ishte mundësia për ta bërë atë që e pëlqen më së shumti e që është gatimi. Ai i ka rikrijuar disa prej recetave të vjetra të nënës së tij dhe së fundmi si dhuratë për ditëlindje i ka pranuar shumë enë të kuzhinës”, citohet të ketë thënë një burim i afërt i Beckhamit për “The Sun”.

## Askush nuk e priste, James Bondi bëhet baba në filmin e ri



**K**ur flitet për 007, të gjithë mendojnë menjëherë aventurat e rrezikshme të agjentit më të famshëm në botë, pajisjet e çuditshme që e ndihmojnë në çaste të vështira dhe, sigurisht, vajzat bukurorsh që e rrethojnë. Por në filmin më të fundit të sagës, James Bond duket është shtruar e do të

shfaqet si një baba i përkushtuar i një vajze pesëvjeçare. Filmi, i vonuar deri në nëntor për shkak të mbylljes së kinemave prej koronavirusit, do të tregojë se si e dashura e Bondit, doktoresha Madeleine Swann, e interpretuar nga Lea Seydoux, ka sjellë në jetë një vajzë.



# Shqipja e shkruar - 'terra incognita' në fillimshkullin XIX

Nga Dr. Jorina KRYEZIU  
(Shkreta)

Në librin e albanologut dr. David Hosaflook, *Lëvizja Protestante te shqiptarët: 1816-1908*, trajtohen çështje të shumta e me larushi, duke filluar nga konteksti teologjik, historik dhe shoqëror i Lëvizjes Protestante te shqiptarët, Dhiata e Re për herë të parë në gjuhën shqipe, veprimtaria ungujllorë përkrah veprimtarisë arsimore, arsimimi i femrës shqiptare, përpjekjet e njëkohshme të Lëvizjes Protestante dhe Rilindjes Kombëtare Shqiptare e deri te botimet e ndryshme në gjuhën shqipe dhe përhapja e tyre anembanë trevave shqipfolëse, për të cilat, D. Hosaflook ndalet gjatë në studimin e tij. Por, ajo çka më impresionoi më së pari, si redaktore e këtij botimi, ishte sidomos interesimi i Shoqërisë Biblike Britanike dhe për Vendet e Huaja (*BFBS, British and Foreign Bible Society*), për lëvrimin e gjuhës shqipe, si dhe gjeneza e shpërndarjes masive të botimeve shqipe, përmes strategjisë së librashitësve shëtitës. Duke qenë se shqipja në fillimshkullin XIX ishte një gjuhë e palëvruar, ata erdhën jo vetëm me shkrimet e shenja në shqip, por edhe në të dyja dialektet, fillimisht në toskërisht e më pas në gegërisht. Edhe pse pikësynimi fillestar dhe ai përfundimtar i Shoqërisë Biblike ishte pa dyshim *ungjillëzimi* - përmes përkthimit të shkrimeve në gjuhën amë (si përmbushje e

parimit *Sola Scriptura*) dhe shpërndarja masive të tyre, ata ndikuan edhe në lëvrimin e shqipes së shkruar. Misionarët protestantë erdhën në trojet shqiptare kur ende nuk ishte shfaqur ndonjë lëvizje arsimore apo të kishte ndonjë rrjet shkollash në gjuhën shqipe. Kështu, sot na duhet t'i shprehim mirënjohjet më të thella misionarit protestant Robert Pinkerton - i cili qe i pari që i bëri shqiptarët objekt të BFBS-së - dhe gjuhëtarit Jernej Kopitar - i cili hodhi idenë e përkthimit të Biblës edhe në gjuhën shqipe.

Libri *Lëvizja Protestante te shqiptarët: 1816-1908* dritëson disa prej të dhënave kryesore mbi botimet në gjuhën shqipe dhe përpjekjet e misionarëve të huaj: William Jowett, H. G. O Dwight, William Schaufler, Jonas King, Rufus Anderson etj., dhe më pas atyre shqiptarë: Gjasim, Qiriaz, Gjon Ciko, Gjergj Qiriaz etj., për kombinonë dhe ndriçimin e tij shpirtëror e arsimor njëherazi. Populli shqiptar do të ishte gjithnjë e në interes për të shpërndarë Shkrimet e Shenjta, të cilat do të ndiqeshin prej proceseve që do të ndihmonin arsimin në gjuhën amë, madje Nathalie Clayer në librin e saj *Në fillimet e nacionalizmit shqiptar*, shprehet se: "...përpara se të vinin protestantët, asnjë grup tjetër nuk kishte bërë përpjekje kaq serioze për botimin dhe përhapjen e gjuhës shqipe". Misionarët protestantë kishin pikëpamje tepër të përparuar për kohën, madje shpesh u ndeshën edhe me kundërshtime të autoriteteve fetare ose atyre

shtetërore, të vendeve ku ushtronin veprimtarinë e tyre. Përveç shpërndarjes së Shkrimeve të Shenjta në gjuhën amtare, ata në mënyrë të tërthortë ndikuan edhe në çështjet kombëtare, përmes shpërndarjes së abetareve dhe gramatikave, arsimimit të të dyja gjinive, si dhe barazisë arsimore dhe shpirtërore te njerëzit e thjeshtë. Sipas D. Hosaflook "shoqëritë misionare protestante hynë në territoret shqiptare me qëllim për të botuar dhe për të shpërndarë Shkrimet e Shenjta në shqip, për të nisur shërbimet ungujllorë në gjuhën shqipe, si edhe për të hapur shkolla në gjuhën shqipe. Me këto veprimtari, ata konsideroheshin se po ndihmonin shqiptarët për t'u shqiptarizuar". Përparimi social, zhvillimi i arsimit në gjuhën amtare dhe ndriçimi letrar ishte pjesë e qenësishme dhe e pandërprerë e besimit fetar që ata përfaqësonin. Prof. Ferit Duka, në parafjalën e librit, shprehet se: "Protestantizmi për shqiptarët nuk ka qenë thjesht besim, por edhe një nxitës i fuqishëm i zgjimit kulturor dhe i përpjekjeve për arsim në gjuhën amtare, një urë e fortë komunikimi e shqiptarëve me qytetërimin perëndimor. Misionarët e këtij besimi në Shqipëri kudo që shkuan, mbollën jo vetëm dashurinë për Zotin, por edhe dashurinë për gjuhën shqipe dhe respektin për vlerat e kombit shqiptar."


Deri më sot është folur gjerësisht për fillesat e shqipes së shkruar po dhe për botimet e para në gjuhën shqipe, por, për gjenezën e shpërndarjes

masive të botimeve, strategjitë e përdorura, përpjekjet e njëkohshme për *Shkrimin e Shenjtë* dhe *shqipen e shkruar*, nuk është folur kaq gjerësisht përmes faktesh e dëshmish të shumta, duke plotësuar atë mozaik që nisi të zërë fill me zbulimet e prof. Xhevat Lloshit në Arkivat e Londrës, me punën e Xhon Kunarudit e të studiuesve të tjerë. Por, natyrshëm lind pyetja, se cili qe shkaku kryesor që i çoi këta përfaqësues në ndërmarrje kaq të mëdha, të cilat ndihmuan edhe në proceset e bashkimit kombëtar dhe të arsimit në gjuhën amë dhe, në veçanti, të arsimit të femrës shqiptare dhe të emancipimit të saj. Ajo çka i shtyu misionarët drejt trojeve të largëta gjeografike e kulturore, ishte pikërisht shpërndarja e Biblës në mbarë botën. Arritjet letrare të protestantëve në trojet shqiptare gjatë shek. XIX dhe XX qenë mbresëlënëse në disa aspekte, pavarësisht sfida dhe kundërshtimet me të cilat iu desh të përballleshin ata nuk reshtën së përmbushuri misionin e tyre. Vala e botimeve që erdhi gjatë shek. XIX, nga shoqëri të tilla si Shoqëria e Broshurave Fetare (RTS, *Religious Tract Society*), parapriu zhvillimet e shpejta dhe shpikjet në fushën e botimit anembanë botës, si: shtypja, libërlidhja dhe shpërndarja (Woodbery, në: *American Political Review*, 2012). Në Shqipëri, shprehet D. Hosaflook, "kjo valë botimesh pati rrjedhoja kombëtare". Figura të shquara të Rilindjes sonë Kombëtare u shprehën në periodikët e kohës për rëndësinë e pamatë të botimeve të

BFBS-së dhe të RTS-së, të cilat dhanë ndihmesë domethënëse sidomos për çështjen e Pavarësisë. Vërtet para përpjekjeve të misionarëve të Shoqërisë Biblike pati botime në shqip, vepra të cilat sot njihen gjerësisht, por në fillimshkullin XIX, këto ose ishin në kopje të rralla, ose nuk njiheshin. (Dimë se disa prej këtyre libra u zbuluan vonë, krahasuar me vitbotimet që mbanin.) Në periudhën në fjalë, libri shqip nuk qarkullonte rregullisht dhe shpërndarja e tij ende nuk ishte prioritet i ndonjë botuesi. Kujtojmë se më 1824, botimi dygjuhësh greqisht-shqip i *Ungjillit sipas Mateut* nga BFBS-ja, i përkthyer nga Vangjel Meksi dhe i redaktuar nga Grigor Gjrokastriti, hapi një udhë të re për shqipen e shkruar, edhe për faktin se do të shpërnduhej kudo ku flitej shqip, duke e bërë atë "një gjuhë të gjallë dhe të përdorur" (M. Frashëri, *Diturija*, 1 janar 1909), ndërsa *Dhiata e Re* dygjuhëshe greqisht-shqip, më 1827, po nga dyshja V. Meksi dhe G. Gjrokastriti, do të cilësohej pas 100 vjetësh si "udhëheqëse për shkrimin e shqipes" (M. Frashëri, *Diturija*, nr. 7, 1927). Përpjekjet e njëkohshme e të pandashme, si dy anët e një medaljeje, të Shoqërisë Biblike për Shkrimin e Shenjtë dhe për shqipen e shkruar, parashtrihen në këtë libër tepër gjerësisht përmes faktesh e dëshmish, shumëyresh të pahlumtuara më parë në historiografinë shqiptare. Suksesi i misionarëve protestantë qe edhe se hapën pika/depo magazinimi - fillimisht në Shkodër







**QENDRA SPORTIVE  
'BUJQËSIA'**  
TEL: 045/82 82 82

## FHK-ja, thirrje hendbollistëve në diasporë: Kosova po ju pret

Federata e Hendbollit e Kosovës ka kërkuar nga talentët në diasporë ta pranojnë ftesën për ta përfaqësuar Kosovën. FHK-ja e sheh suksesin e Përfaqësueses A në gjeneratat e reja



### "Epoka e re"

**PRISHTINË, 8 QERSHOR** - Federata e Hendbollit e Kosovës mbetet e përkushtuar për ngritje të nivelit të gjithëmbarshtëm. Prej prioriteteve të FHK-së është organizimi sa më i mirë dhe ngritja e vazhdueshme e cilësisë në ekipet përfaqësuese të grupmoshave të reja, pasi ato janë bazë për Përfaqësuesen A sa i takon të ardhshmes së afërt. Si të meshkujt ashtu edhe të femrat në Përfaqësuesen A kanë avancuar shumë e shumë hendbollistë e hendbolliste që më parë kanë luajtur për grupmosha, ndërsa FHK-ja është e vendosur që këtë trend ta avancojmë.

"Hendbollistët dhe hendbollistet e klubeve të vendit mbesin bazë e fuqishme për ekipet përfaqësuese, por ne shumë llogarisim edhe në

hendbollistë dhe hendbolliste të reja që hendbollin e mësojnë dhe e luajnë në vende të ndryshme evropiane. Kombinimi i lojtarëve që hendbollin e mësojnë dhe e luajnë në Kosovë dhe i atyre që e mësojnë dhe e luajnë në Evropë po del të jetë shumë i suksesshëm. Derisa për hendbollistët në vend kemi më shumë informata dhe mund të përcillen vazhdimisht, kjo është më pak e mundshme për hendbollistët në vendet evropiane. Për këtë ne u bëjmë thirrje të gjithë hendbollistëve të rinj që ushtrojnë e luajnë në nivel serioz në vende evropiane që të kontaktojnë FHK-në për të qenë në dispozicion për përzgjedhje eventuale në ekipet përfaqësuese të grupmoshave të reja", thuhet në njoftimin e FHK-së. Federata e Hendbollit i ka ftuar prindërit e lojtarëve që të përfshihen në këtë proces, kurse

Kosova ka nevojë për lojtarë cilësorë dhe të talentuar, ndërsa lojtarët e rinj dhe prindërit e tyre e kanë mundësinë që të japin kontribut në aspektin sportiv për vendin e tyre e, po ashtu, që të bëjnë hap të rëndësishëm në karrierë duke luajtur në një përfaqësuese që po ngritet vazhdimisht. "Përzgjedhjen në fund e bëjnë selektorët dhe shtabet teknike, por ftesa është e hapur për t'u vënë në dispozicion të Kosovës. Kjo mund të bëhet përmes e-mailit: office@kosovahandball.info, apo përmes faqeve zyrtare të FHK-së në rrjetet sociale. Të kujtojmë që ekipet kombëtare U18 e U20 në janar të vitit 2021 kanë kampionatet evropiane e më pas verën e ardhshme edhe kombëtares e reja të hendbollistëve. FHK-ja dhe ekipet përfaqësuese të saj i mirëpresin të gjithë", thuhet në njoftimin e FHK-së.

### SHKURT

#### Lazio arrin marrëveshje me Muriqin

Sulmuesi i Kosovës në futboll, Vedat Muriqi, është shumë afër transferimit në Itali. Mediat turke raportojnë se sulmuesi nga Kosova ka arritur marrëveshje me skuadrën e Lazios, kurse kjo marrëveshje pritet të bëhet zyrtare në ditët e ardhshme. Interesim për sulmuesin e Fenerbahçes kanë shfaqur Tottenham Hotspur, Burnley, West Bromwich Albion, Stade Rennes dhe Napoli. Shuma që do t'i paguajë Lazio skuadrës turke për sulmuesin shtatartë është 20 milionë euro.

#### Kabashi, Munishit: Edhe 20 vjet je trajner i Ballkanit

Ballkani, pas barazimit me Drenicën (0-0), e ka humbur pozitën e parë në renditjen tabelore të Superligës. Pavarësisht këtij fakti, presidenti Arsim Kabashi ka konfirmuar se Ismet Munishi do ta vazhdojë punën e trajnerit edhe nëse skuadra e Ballkanit nuk e fiton titullin. "Baba i trajnerëve në shqiptari, edhe 20 vjet ka kontratë me Ballkanin, edhe nëse kurrë nuk bëhemi kampionë. Krenarë dhe falënderues për gjithçka që po jep për klubin e qytetit", ka shkruar Kabashi në profilin e vet në "Facebook".

#### Korenica: Prishtina synon titullin dhe Kupën

Meriton Korenica ka qenë lojtari kryesor në fitoren e Prishtinës me rezultat 8-1 ndaj Ferizajt pasi ka shënuar tri gola në këtë ndeshje. Me tre golat e shënuar në fundjavë, Korenica ka shkuar në kuotën e shtatë golave në kampionat këtë edicion, derisa numëron edhe disa asistime. Ish-anëtari i Shkëndijës së Tetovës dhe Lirisë së Prizrenit ka thënë se synon që me Prishtinën t'i fitojë dy trofetë këtë edicion. "Fitore shumë e rëndësishme si dhe ecuria jonë. Shpresoj kështu të vazhdojmë me lojër të mira dhe çdo ndeshje t'i qasemi maksimalisht. Kemi një qëllim përpara, kupë e titull dhe duke parë që ekipi po shkon shumë mirë, besoj shumë se në fund të gjithë së bashku, duke i ndihmuar njëri-tjetrit, do t'ia dalim", ka thënë Korenica. "Ky rezultat i thellë tregon më së miri punën që jemi duke e bërë. Jam jashtëzakonisht i kënaqur me gjithçka", ka deklaruar Korenica.

## Neziri: Ndjenjë e veçantë të luash për Kosovën

**Prishtinë, 8 qershor** - Trajnerët dhe lojtarët e Kosovës vazhdojnë të japin mesazhe që të jeni sa më shumë aktivë në këtë kohë pandemie, edhe pse janë pezulluar aktivitetet sportive për shkak të pandemisë Covid-19. Për basketbollistët është e rëndësishme që të mbahet forma fizike dhe të jenë të përgatitur për edicionin e ri. Leon Neziri është një basketbollist i talentuar që luan në Angli. Ai ka treguar si po stërvitet tani, çfarë ndjenjë është të luash për

Kosovën dhe mesazhi për lojtarët. "Për shkak të pandemisë, formën e trupit përpiqem ta mbaj në kushte shtëpiake. Të luash për Kombëtaren e Kosovës është një ndjenjë emocionuese sepse përfaqëson shtetin dhe jep maksimumin. Mesazhi im për lojtarët është që të jenë aktivë dhe pozitivë deri në fund të kësaj situatë. Qëndroni të sigurt", ka thënë Neziri me anë të një video mesazhi për faqen zyrtare të FBK-së.











MINISTRIA E KULTURËS, RINISË DHE SPORTIT

MINISTARSTVO KULTURE, OMLADINE I SPORTA/ MINISTRY OF CULTURE YOUTH AND SPORTS

DIVIZIONI I BURIMEVE NJERËZORE/ DIVIZION OF HUMAN RESOURCES/ DIVIZIJA LJUDSKIH IZVORA

Bazuar në Ligjin e Punës, Nr. 03/L-212 dhe Rregulloren Nr.05/2011, për Gradimin dhe Pagat e Krijuesve dhe Performuesve të Kulturës dhe të Punonjësve Profesional të Trashëgimisë Kulturore, Udhëzimin Administrativ (MPMS) Nr.07/2017, për Rregullimin e Procedurave të Konkursit në Sektorin Publik Ministria e Kulturës, Rinisë dhe Sportit shpall :

## KONKURS

**Titulli i punës:** Arkitekt -1 pozitë

**Institucioni:** Instituti i Kosovës për Mbrojtjen e Monumenteve-IKMM

**Vendi:** Prishtinë

**Kategoria funksionale:** Krijuesit dhe Performuesit e Kulturës dhe Punonjësit Profesional të Trashëgimisë Kulturore Grada VIII

**Paga:** Paga Fikse

**Numri i referencës:** 08/2020

**I përgjigjet:** Drejtorit të IKMM

Detyrat dhe përgjegjësitë: Nën mbikëqyrjen e Drejtorit të Institutit të Kosovës për Mbrojtjen e Monumenteve-IKMM, kryen detyrat dhe përgjegjësitë e mëposhtme:

- Zhvillon dhe arrin pëlqimin për planet e punës dhe afatet me menaxherin dhe stafin tjetër profesional për zbatimin e shërbimeve në fushën e Trashëgimisë Kulturore ;
- Bashkëpunon në mënyrë të vazhdueshme me Departamentin e Trashëgimisë Kulturore dhe institucionet tjera të Trashëgimisë Kulturore, për realizimin e objektivave të Institutit të Kosovës për Mbrojtjen e Monumenteve-IKMM;
- Kryen detyrat në fushën e Trashëgimisë Kulturore, me një shkallë të arsyeshme të pavarësisë, me mbikëqyrje dhe udhëzime të kohëpaskohshme;
- Bën hulumtime dhe analiza sipas kërkesës dhe kontribuon në hartimin e rekomandimeve për shqyrtim nga nivelet më të larta;
- Merr pjesë në grupe punuese në fushën e trashëgimisë kulturore, kur kërkohet një gjë e tillë.
- Komunikon brenda institucionit dhe jashtë tij për shkëmbim të informatave dhe zhvillimin e punës në fushën e arkitekturës për shkak të interesit të përbashkët;
- Raporton rregullisht të mbikëqyrësi rreth progresit në lidhje me planet e punës të miratuara;
- Kryen çdo detyrë tjetër në fushën profesionale specifike të cilat mund të kërkohen në mënyrë të arsyeshme kohë pas kohe.

### Shkollimi i kërkuar, përvoja, aftësitë dhe karakteristikat personale:

- Njohuri të thellë në fushën profesionale specifike të fituar përmes arsimimit universitar dhe trajnimeve përkatëse;
- Njohuri të ligjeve dhe rregulloreve të aplikueshme;
- Shkathësi në komunikim planifikim të punës koordinimi eventual i personelit ;
- Shkathësi hulumtuese, analitike, vlerësuese dhe formulim të rekomandimeve dhe këshillave profesionale;
- Shkathësi kompjuterike në aplikacione të programeve (Word, Excel, Power Point, Access);
- Diplomë universitare, në drejtimin e arkitekture, minimum 2 vite përvojë pune profesionale.

Procedurat e konkurimit: Konkursi është i hapur për të gjithë kandidatët.

Kohëzgjatja e emërimit: Emërimi është me afat të pacaktuar.

**Data e mbylljes së konkursit:** Konkursi është i hapur pesëmbëdhjetë (15) ditë pas ditës së shpalljes.

**Data e fundit e aplikimit është:** 23.06.2020

Aplikacionet e dërguara nëpërmjet postës, me pullë postare, në ditën e fundit të shpalljes, konsiderohen të vlefshme.

**Paraqitja e kërkesave:** Aplikacioni shkarkohet nga Ueb faqja e MKRS-së dhe dorëzohet në Zyrën 27 të Ministrisë së Kulturës, Rinisë dhe Sportit, Sheshi "Nëna Tereze" Nr. 44. Për informata shtesë kontaktoni në numrat 038 211 921 dhe 038 211 449, apo në ueb-faqen <http://www.mkrs-ks.org/>.



MINISTRIA E KULTURËS, RINISË DHE SPORTIT

MINISTARSTVO KULTURE, OMLADINE I SPORTA/ MINISTRY OF CULTURE YOUTH AND SPORTS

DIVIZIONI I BURIMEVE NJERËZORE/ DIVIZION OF HUMAN RESOURCES/ DIVIZIJA LJUDSKIH IZVORA

Bazirajući se na Zakon Rada, Br. 03/L-212 i Uredbu br.05/2011, za određivanje Stepena i Plate za Stvaraoce i Izvođače Kulture i Profesionalnih Radnika Kulturnog Nasleđa, i Administrativno Uputstvo (MRSZ) Br.07/2017, o Regulisanju Procedura Konkursa na Javnom Sektoru Ministarstvo Kulture, Omladine i Sporta objavljuje:

## KONKURS

**Naziv radnog mesta:** Arhitekta -1 pozicija

**Institucija:** Institut Kosova za Zaštitu Monumenata-IKZM

**Mesto :** Priština

**Funkcionalna kategorija:** Stvaraoce i Izvođače Kulture i Profesionalnih Radnika Kulturnog Nasleđa Grada VIII

**Plata:** Fiksna Plata

**Broj referencije:** 08/2020

**Nadležnik:** Direktor IKZM

**Zadaci i odgovornosti:** Pod nadzorom Direktora Instituta Kosova za Zaštitu Monumenata-IKZM , izvršava dole navedene zadatke i odgovornosti:

- Razija i postiže saglasnost o planovima rada I rokovima sa menadžerom i ostalim profesionalnim stafom, za sprovođenje usluga iz oblasti Kulturne Baštine;
- U kontinuitetu saraduje sa Departmanom Kulturne Baštine i ostalim institucijama Kulturne Baštine, za realizovanje objektivna Instituta Kosova za Zaštitu Monumenata-IKZM ;
- Izvršava zadatke iz oblasti kulturne baštine, sa jednim razumnim stepenom samostalnosti, pod nadzorom i uputstvima, s vremena na vreme;
- Vrši istraživanja i analize prema zahtevu i doprinosi u uređenju preporuka za razmatranje, sa najviših nivoa;
- Učestvuje u radnim grupama rada iz oblasti kulturne baštine, kada se tako nešto zahteva.
- Komunicira unutar i van institucije za razmenu informacija i razvoj delatnosti iz oblasti arhitekture, iz razlogazajedničkog interesa;
- Redovno izveštava kod nadzornika oko progressa u vezi prihvaćenih planova rada;
- Izvršava i svaki drugi zadatak iz specifične profesionalne oblasti, koji se mogu zatevati, na razlozan način, s vremena na vreme.

### Zahtevano obrazovanje, iskustvo, sposobnosti i lične karakteristike:

- Duboko i specializovano znanje iz specifične profesionalne oblasti, dobijeno preko univerzitetskog obrazovanja i dotičnih treniranja;
- Znanje zakona i sprovođljivih pravilnika;
- Sposobnost u komuniciranju, planiranju i eventualnoj koordinaciji kadrovskog osoblja;
- Istraživačka, analitička i sposobnost za procenjivanje i formulisanje preporuka i profesionalnih saveta;
- Sposobnost na kompjuteru za aplikacije programa (Word, Excel, Power Point, Access);
- Univerzitetska diploma pravac arhitekture, minimum 2 godine profesionalnog radnog iskustva;
- Poznavanje Engleskog Jezika je prednost.

Procedura konkurisanja: Konkurs je otvoren za sve kandidate.

Vremensko trajanje imenovanja: Imenovanje je na neodređeno vreme.

Konkurs je otvoren petnaest (15) dana od dana objavljivanja.

**Zadnji datum za apliciranje je:** 23.06.2020

Aplikacije koje se šalju preko pošte, sa poštanskom markom, na zadnji dan objave, smatraće se važećim.

**Podnošenje aplikacije:** Aplikacije se uzimaju sa web stranice MKOS-a i predaju se u kancelariji br. 27 u Ministarstvu Kulture, Omladine i Sporta, Trg "Majka Tereza" br. 44. Za dodatne informacije kontaktirajte brojeve tel. 038 211 921 dhe 038 211 449, ili web-stranicu <http://www.mkrs-ks.org/>.

**NJOFTIM**

Njoftojmë të gjithë klientët se “IFE KOSOVA INS SAN VE TIC LTD STI”, Sh.P.K, me seli në Prizren, ka marrë vendim të shuajë biznesin me NUI: 811277955 dhe ka caktuar likuidatorin për zhvillimin e procedurës së Likuidimit. Njoftohen të gjithë klientët që kanë raporte Kreditore - Debitorë me këtë kompani që të paraqiten në afatin 30 ditor nga data e shpalljes në gazetë.

**OBAVESTENJE**

Obavestavje se svi klienti da drustvo sa “IFE KOSOVA INS SAN VE TIC LTD STI”, d.o.o., u Prishtini, donelo odluku o prestani rada sa bisnisom NUI: 811277955 ujedno imenovao Likvidatora o sprovođenju postupka likvidacije. Obavestavju se svi klienti koji imaju obaveze i potraživanja u navedenoj firmi, da se jave u roku od 30 dana od dana objavljivanja o novine.

**ANNOUNCEMENT**

We inform all clients that “IFE KOSOVA INS SAN VE TIC LTD STI”, L.L.C, in Pristina, has taken the decision to quit its business with NUI: 811277955, The company has appointed a liquidator who is going to oversee the liquidation process. All clients who have creditor – debtor accounts with this company are kindly request to show up within 30 days starting from the day of newspaper announcement- publication.

“Epoka e re”

Prishtinë, 09.06.2020

**Lumë's Details**  
Estetik & Depilim

044 900 978 | 045 681 898  
Sallon Depilimi Lumë's Details  
lumesdetails  
Mbrapa Teatrit, 4 Lullat, Rr. Bajram Kelmendi

**RESTAURANT**

**SWISS TAVERNA**

Tel: +377 45 400 156 +386 49 848 553

PRISHTINË

**Gjej PUNË**

- Lajme nga tregu i punes
- Shërbime shkrimi

Gjej Punë ofron shërbime drejtë përgaditjes së:

- CV-së
- Letrën Motivuese
- Parapregaditje për intervistë

www.facebook.com/gjejpuneshpejte

**>> SHPALLJE TË VOGLA <<**

- Lëshoj banes me qira në lagjen Dardani. Banesa është 50 m2, e mobiluar në tersi dhe është e gatshme për banim. Banesa preferohet për qift familjar. Tel: 044-171-328.
- Faruk Kadriu shpallë të pavlefshëm dëftesën e shkollës fillore “Fehmi Rama” në Skenderaj.
- Jap banesë me qira afër 60 m2, kati III-Lagja Mati 1 Rr.Z3-Si Theodor Muzaka nr.14. në Prishtinë. Banesa posedon dhoma gjumi dhe sallon, kuzhinë, korridor banjo ballkon . Banesa është e mobiluar komplet, preferoj ta jap banesën me qira për afat të gjatë. Tel: +38344185233.
- Lëshoj banës me qira në lagjen “Dardania” në Prishtinë. Banesa ka 50 m2, me inventar të kompletuar, banesa ka kuzhinë me sallon, teras, banjo një dhomë gjumi, shpajz dhe korridor, banesa lëshohet për një qift ose për dy vajza. Tel: 044171328.
- Lëshoj shtëpinë me qira në lagjen Velania, pa pagesë sepse shtëpia ka nevojë për përkujdesje ndërsa shpenzimet mujore ti bëjë vetë banuesi si: ujë rrym bërlllok, Tel: 044-608-626.
- Lëshoj banës me qira për student apo familjar në lagjen "Mati 1" Rr. "Muharrem Fejza", banesa është 70 m2 dhe i plotëson të gjitha kushtet, kati dytë ndërtim i ri tel: 044-686-900.
- Lëshoj banesë me qira, banesa është ndërtim i ri dhe gjendet në lagjen "Mati 1" rruga "Muharrem Fejza" Prishtinë. Tel: 044-686-900.
- Lëshoj banesë me qira në lagjen "Mati 1" përball "Super Vivës", me sipërfaqe mbi 50 m2, kati dytë me ngrohje, klimë, ashensorë etj, çmimi 200 Euro. Tel: 044-185-233.
- Lëshoj banesë me qira garsoniere në Ulpian kati i parë, posedon tre shtretër dhe e mobiluar. Preferohet për studenta ose studente, një qift apo të tjerë. Çmimi është 185 euro. Tel: 044-812-875.
- Lëshoj garsonjer me qira në lagjen Ulpiana kati i parë. Banesa është e mobiluar dhe i plotëson të gjitha kushtet për banim, preferohet për një qift apo tre studentë, mund të merret për kohë të shkurt apo të gjatë. Çmimi është 180 Euro. Tel: 044-812-875.
- Urgjentisht kërkoh një banesë me qera ne Prishtine. Banesa duhet të ketë 1 ose 2 dhoma gjumi e mobiluar ose bënë edhe e pa mobiluar. Çmimi prej: 200-250 €. Tel: 045-660-188
- Lëshoj lokalin më qira. Lokali është i pasitur më të gjitha kushtet përcjellëse. Lokali gjendet në lagjen e Boshnjakëve në Mitrovicë. Për informata më të hollëshishme mund të na kontaktoni në këtë numër të telefonit: 049-392-275
- Lëshoj banesë me qira në Lagjen Dardania afër "Bill Clintonit", kati tretë, banesa posedon të gjitha kushtet elementare, dy dhoma, kuzhinë e veçanet me pamje nga parku me çmim sipas marrëveshjes tel: 045-891-338 ose 049-616-139
- Lëshoj banesën me qira në lagjen Bregu i Diellit te Furra "Qerimi2", i ka dy dhoma të fjetjes, sallon me kuzhinë, shpajz dhe dy ballkona. Për info 044/332-640.
- Lëshoj banesën me qira në lagjen Bregu i Diellit te Furra Qerimi2, i ka dy dhoma të fjetjes, sallon me kuzhinë, shpajz dhe dy ballkona. Për info 044/332-640.



## ANNOUNCING THE 2017 QUALITY & SALES AWARDS

### Quality & Sales Award Recipients

[Listed in alphabetical order]

- ★ ARC Refreshments Corporation- Antipolo **Philippines**, Quality
- ★ Embotelladora Central S.A **Paraguay**, Quality
- ★ Fabrica de Bebidas Gaseosas Salvavidas S.A. **Guatemala**, Quality
- ★ Fluidi Sh.p.k. **Kosovo**, Quality
- ★ Indústria e Comércio de Bebidas Funada Ltda **Brazil**, Quality
- ★ Interbrand S.A.L. **Lebanon**, Sales
- ★ Kofola ČeskoSlovensko a.s. **Czech Republic**, Quality
- ★ Obi Zulol CJSC **Tajikistan**, Quality
- ★ Partex Sales sales Beverages Ltd. **Bangladesh**, Quality
- ★ Soft Drinks Georgia **Georgia**, Sales



**MEKA**  
HALAL FOOD

# PASHTETË PULE

gluten free



*cilësi e garantuar*

pa konservues